

ԱՌԱՋԻՆ
ՏԱՐԻ

ՇԱԽԻՂ

ԱՌԱՋԻՆ
ՏԱՐԻ

ԱՋԳԱՅԻՆ, ԳՐԱԿԱՆԱԿԱՆ ԵՒ ՔԱՂԱՔԱԿԱՆ ՀԱՅԱԹ-ԱԹԵՐԹ

«ՇԱԽԻՂ» ԼՈՅՍ Է ՏԵՄԵՆՈՒՄ ՏԱՐԵԿԱՆ 50 ՀԱՄԱՐ ՇԱՐԱԹ ՕՐԵՐԸ

«ՇԱԽԻՂ» Տարեկան գինը 10 դրամ, կէս տարուամբ 6 դրամ: Առանձին համարները 5 շաբօ: Արտասահմանում տարեկան 8 ֆրանկ կամ 3 րուբլի, կէս տարուամբ 5 ֆր. կամ 2 րուբլի: Թէթրանում գրում են միմիայն, խմբագրատան մէջ: Մեր հասցեն. Téhéran Rédaction CHAVIGH.

«ՇԱԽԻՂ» խմբագրութիւնը բաց է առաւօտեան 8—4 ժամը: Կարելի է տօն օրերը 10—2 ժամը: Յայտարարութիւն ընդունում է ամեն լիզուով: Յայտարարութիւնների համար վճարում են իւրաքանչիւր բառին 1 շաբօ:

ԲՈՎԱՆԴԱԿՈՒԹԻՒՆ

Շաղի՝ ուղղութիւնը.—ՆԵՐՔԻՆ՝ ՏԵՄԵՆՈՒՄ ԹԻՒՆ. Բնութանկան Դաստիարակութիւն. Նամակ Մարաղայից: Նորմալներ խմբագրութեան. Ներքին լուրեր.—ԱՔՏԱՔԻՆ ՏԵՄԵՆՈՒԹԻՒՆ. «Դէյլի Նիւզ» լրագրի կարծիքը. Արտարին լուրեր.—Բանասիրական. Փայտակարան կամ Ղարաղաղ դաւաճը.—Յայտարարութիւններ:

«ՇԱԽԻՂ» ՈՒՂԱՌՈՒԹԻՒՆԸ

Շատեր մեզ գիտողութիւն են անում, և դոցա մէջ կան «Շաղի» բարեկամներ թէ մեր ուղղութիւնը սխալ է և վնասաբեր, և թէ «Շաղի» թիւը շաղի մէջ է ընկել այդպէս քննադատելով ամեն երևոյթ, քննադատելով անձնաւորութիւններ (թէ և առանց անունները տալու) և թէ մի այնպիսի փոքրիկ հասարակութեան մէջ որպէս թէհրանում, անմիջապէս որ մարդ իւր բերանը բանայ ամեն մարդ գիտէ թէ ում վերայ է խօսում:

Մենք կամենում ենք մի քանի խօսքով բացատրել «Շաղի» և առհասարակ ամեն լրագրի կոչումը, և ապա մեր պատճառները թէ ինչու նախադասում ենք ենթադրութիւնը բոլոր քննադատութեան անձնաւորութիւնների ատելութեան քան թէ

Բ Ա Ն Ա Ս Ի Ր Ա Կ Ա Ն

ՓԱՅՏԱԿԱՐԱՆ ԿԱՄ ՂԱՐԱԴԱՂ
(Շարունակութիւն 34 թուից)

Պատարագից յետոյ պատրաստում է ընդհանուր սեղան, այս սեղանի վերայ նստում են բոլոր արական սեռի պատկանողները: Ամեն մի օջաղից այստեղ մի բան պէտք է բերուի, հաց, մատաղ եւ այլ կերակուրներ:

Սեղանը վերջանում է, տէրութիւնների եւ տիրացուների վերջին օրհնութեամբը:

Սեղանից յետոյ հրապարակի վերայ ածում են զուռնան, երիտասարդները այստեղ իրար հետ մըրցութիւն են անում. ամբողջ ժողովուրդը կանգնած նայում է: Յաղթանակ տանողի պատիւը վերաբերում է և իւր գիւղացուն. ամենից վմբը ածում է հրածնջտի եղանակը եւ ժողովուրդը իրար մնար բարեւ ասելով ցրում է:

Մուսայայ ասել, որ այսպիսի եկել էր եւ միջ նախածանօժ պ. Գ. Սարգսեանը, իւր սկսած քոր

պակասաւոր գտնուիլ լրագրական կոչման մէջ:

Հասարակական Հաստատութիւնների վերաբերութեամբ ընդհանրապէս լրագրւել պէտք է բռնէ ոչ թէ ներբողներ խօսողի դերը, —որովհետեւ այդ կատարելապէս անօգուտ է,—այլ մանաւանդ մի դիտողի, մի խիստ կրիտիկոսի և անխնայ քննադատի դերը: Ինչ որ լաւ է, լաւ է արդէն, և կարօտութիւն չունի անհատնում ներբողների. ինչ որ վատ է, սխալ է, կարօտ է անվերջ քննադատութեան, մինչև որ պակասութիւնը բարձուի մէջտեղից: Մամուլը այն բովանդէս որի միջից անց են կենում բոլոր Հաստատութիւնները, բոլոր ընկերական երևոյթները, գտնաւած, մաքրուած իւրեանց պակասութիւններից և մօտեցած կատարելութեան. ի հարկէ չէ կարելի բովից անցնել առանց քիչ թէ շատ այրուելու, առանց ցաւ զգալու:

Մեզ յայտնի է որ այն բոլոր անձնաւորութիւնները որոնք քննադատում են, որչափ և իցէ քաղաքավար կերպով, պահում են իւրեանց սրտերում մի տեսակ յիշատակի կամ գրողների դէմ, և քննէք կարծում. մի հաճելի բան է գրողներ

մի համար իմ հարցիս պատասխանեց թէ յաջողուել է եւ թէ արդէն սկսած են ուսումնարանի շինութիւնը. այժմ ուսուցիչ է գնացած նոյն գիւղը, որի կէս ոտիկը նոյն պ. Սարգսեանն է տալիս: Նս դարձեալ Օղա դարձայ:

Գիւղին մօտենալուց, արականսեռը կանց առաւ, և սկսեցին հրացանածգութիւնը. բոլոր գիւղացիք հրացանուոր են. մեծ մասը նոր ծելի մարտիկն ու բերդնկայ:

Հրացանածգութիւնը տեւեց մինչև մութը ընկնելը. նա որ մի քանի անգամ կարողանում էր դպցնել նշանին նորա անունը աւելի հոշակում էր գիւղի մէջ, իրիւր լաւ ու հմուտ հրացան ծգող:

Սորանով վերջացան ուխտագնացութեան բոլոր արարողութիւնները:

Գ.

ԹՈՒՐԲԵՐԻ ԹԱՐԱԲԵՐՈՒԹԻՒՆԸ ՀԱՅՈՑ ՀՅՏ

Մենք վերջացրինք Տիգրատի հայոց գիւղերը եւ պէտք է անցնէինք միւս գաւառակները: Բայց նախ քան անցնելը, ցանկացանք այս գաւառակի մէջ եղած Խորք ցեղերի մասին փոքր ինչ խօսել, որոնք

րի համար այդպէս իրանք իրանց ենթարկել շատ անգամ նոյն իսկ իրանց բարեկամների դժկամակութեան: Մի հաճելի դեր է այդպէս ընդհանուր ախոյեանի դեր կատարելու Հրապարակագրի հոգեկան վիճակին պէտք է կանախելով: Ինչեւ այդպիսի ենթադրութիւն անելու համար, մանաւանդ պարսկահայերի մէջ գրող մի հրապարակագրի պարագայում, ուր ամենափոքրիկ, ամենափափուկ նրկատողութիւնը ընդունում է հայհօյանքներով և «անկցի»-ներով:

Բայց, մի երկրում ուր ամեն մարդ սովոր է լուել հասարակական երևոյթների մասին որ մի գուցէ ոչ-անձնական խնդրի մասին մէկի սիրտը կտարէ, ուր բացի մի շատ փոքրածիւ խմբից, հասարակութեան մեծամասնութիւնը քաղաքավարական պարտք է համարում կեղծաւոր դիրք բռնել դէպի ամեն կուսակցութիւնները, գաղափարակից ցոյց տալ իրան ամեն խօսողի հետ, ուր, մէկ խօսքով, ոչ մի խելօք մարդ չէ ուզում վստամարդ լինել իւր խօսակցի, խնամու, ազգականի, յաճախորդի, յարգողի հետ, այն էլ քնն, ազգային գործերի խաթեր համար, այդպիսի երկրում ասացէք խըն

մեծ կապ ունին հայոց կիանրի հետ, յոյս ունիմ որ յարգիլի ընթերցողը այս մասին ներողամիտ կը գրտնուի, և ուշադրութեամբ կը կարդայ:

Այս ցեղերի մէջ նշանաւորները երեք են, աիդմաոցիք, հասանովիք և քուրդեր:

Տիգրատցիք. որոնք բնակւում են Աղաղանից ըսկսեալ մինչև Խանաղա, սորա բաժանուած են փոքր ցեղերի, որոց անունները գրելը աւելորդ ենք համարում:

Տիգրատցիք մի մասը. որոնք բնակւում են, դաշտերում պարապւում են երկրագործութեամբ: Լեռնային մասը պարապւում է խաշնարածութեամբ իսկ Նրատիի ափով ընկածները պարապւում են այգեգործութեամբ:

Հասանովցիք ընկած են Տիգրատ և Մեջափարս գաւառակի մէջ, որը կոչւում է Հասանով:

Այս գաւառակը լեռնային լինելով ժողովուրդն էլ կատարեալ լեռնականների կոպիտ բնաւորութիւնները ունին:

Սոցա պարապուները զանազան են, խաշնարածութիւն, մասամբ երկրագործութիւն և գողո

դրեմ, ինչ դիրք կ'օգտէ որ „Շաւիղը“ բռնէր դէպի այդ երկու թերթերը: Նա էլ պէտք է լաւամարդ լինելու համար լուր ամեն բանի վերայ և երբեմն մի քիչ խուսկ ծխել այս ինչ կամ այն ինչ մարդու համար որ խմբագրութեան հետ լուր արարեցրութեան մէջ է: Այդպիսի մի թերթ կ'օգտենայիք: Ոչ, աւելի լաւ է որ երբ և իցէ մի թերթ գոյութիւն չունենայ, քան թէ նա կատարէ այդ ստոր դերը:

„Շաւիղը“ մինչև այսօր քննադատող ուղղութիւնն է ընտրել, թէ ինչքան մեղմ կերպով, այդ կարող են դատել միայն անկողմնակալ ընթերցողները:

Գուցէ մենք սխալուած ենք մեր դիտողութիւնների մէջ, բայց որ և իցէ դէպքում մենք անկեղծ ենք գտնուել, և չենք դրժել լրագրական կոչման:

ՆԵՐՔԻՆ ՏԵՍՈՒԹԻՒՆ

ԸՆՏԱՆԵԿԱՆ ԴԱՍՏԱՐԱԿՈՒԹԻՒՆ

Թէ որպիսի թիւը կարծիք է արժատացել անդուստի ժողովրդի մէջ դպրանոցի մասին, այդ ցոյց կը տան այն հայեացքները, որ նա ունի դէպի ուսումնարանը դէպի դպրանոցը առ հասարակ: Ժողովրդի կարծիքով, մանուկը ուսումնարանի շէմքից իւր ոտքը ներս դնելու քայլէն նորա դաստիարակութեան ամբողջ պատասխանատուութիւնը ընկնում է այդ ուսումնարանի և նորա վարիչների վերայ. ուսումնարանն է միայն, ժողովրդի կարծիքով, այլ կարող է երեխային իւր ուզած դաշտաւարի մէջ սեղմելով՝ ցանկուի ձևը տալ նրան: Իսկ թէ ինչու նոյն ուսումնարանի նոյն գաղափարի միջով հաւասարապէս անցնող աշակերտները տարբեր են լինում միմեանցից թէ բնաւորութեամբ և թէ դաստիարակութեամբ, ժողովուրդը սորոս դէմ ևս պատասխանելիքը գտած է համարում, նա հասակակից և ընկերակից աշակերտների այդ աչքի

ընկնող տարբերութիւնը յառաջացնում է ուսումնարանական զեղծումներից, հետեւանք է համարում այն հայեացքների, որ ուսումնարանը վարող ուսուցչական կազմակերպութիւնը ունի դէպի իւր այսինչ կամ այն ինչ սանի կամ այս ինչ և այն ինչ մարդու սրդի: Սա մի ստոր դրպարտութիւն է, որ ոչ պարտաճանաչ ծնողները կամենում են դնել դպրոցական կազմակերպութեան վերայ, որպէս զի իրանք ազատուին ծնողական պարտականութիւնը չը կատարելու ծանր պատասխանատուութիւնից: Քանիցս անգամ պատահել է ինչ խօսել այս ինչ և այն ինչ աշակերտուհու ծնողաց հետ և հրաւիրել նրանց ուշադրութիւնը իրանց գաւակների զանազան պակասութեանց վերայ, որոնք յառաջանում են ընտանեկան դաստիարակութեան բացակայութիւնից, կամ աւելի լաւ է ասել՝ հենց իրանք պատճառ են լինում իրանց գաւակների փչանալուն: Բայց նոքա, այդ ծնողները, փոխանակ զգալու իրանց սխալը և ուղղուելով՝ թշուառ գաւակներին ազատելու, լետ կորզելու կորստեան վիհի մէջ գահավեթելուց՝ իրանց արդարացնելու համար սկսել են զանազան ամբաստանութիւններ բառնալ դպրոցական կազմակերպութեան վերայ. և երբ ես նցյն աշակերտի ընկերակիցներից մի բարի օրինակ եմ բերել, ապացուցանելով որ դպրոցը ամեն ինչ բաշխում է իւր սաներին հաւասարապէս առանց խտրութիւն դնելու նրանց մէջ, այդ ոչ պարտաճանաչ ծնողներն էլ թոյլ են տուել իրանց կարծելու, թէ իմ յառաջ բերած օրինակների լաւութիւնը կախած է նրանց ծնողաց դիրքից. թէ ինչու այս ինչ ուսուցիչը շատ լաւ է վարում այս ինչ աղայի սրդու հետ, իսկ իւր որդու հետ՝ ընդհակառակը՝ շատ կոպտութեամբ: Այս կարծիքը ոչ պարտաճանաչ ծնողաց կողմից մի տգեղ յաւակնութիւն է, կարծելու թէ ուսուցիչները կեղծաւոր

բարեր են վերաբերում դէպի իրանց սաները և այդ է, որ սպառնալու փչացնում է իրանց գաւակներին...

Թէ աշակերտների ծնողները իրանց ոչ պարտաճանաչութեամբ շատ անգամ իրանց գաւակներին փչացնելուց զատ՝ պատճառ են դառնում և բազմաթիւ այլ երեխայոց փչանալուն՝ շատ անգամ մենք դժբաղդութիւն ենք ունեցել նկատելու: Հայրը կամ մայրը, իւր երեխայոց ներկայութեամբ, շատ անգամ՝ առանց խղճահարուելու՝ մեղանշելով իւր ծնողական կոչման դէմ, թոյլ է տալիս իրան այնպիսի լիշտներ տալ, կամ այնպիսի հարցերի մասին խօսակցել, որոնք թէև երեխայի սնրիծ և անարատ մտքին ըմբռնելի չեն, սակայն նորա բնական հետաքրքրութեան նիւթ են լինում՝ մինչև նա՝ ժամանակից շատ վաղ, կարող կը լինի բաւարարութիւն տալ իւր այդ հետաքրքրութեանը...: Երեխան արդէն բնութեան որոշած ժամանակամիջոցից վաղ գիտենալով շատ բաներ, որոնք անհամապատասխան են իւր հասակին՝ նշանակում է նա փչացաւ: Բայց բաւական չէ, որ նա փչանում է իւր տգէտ ծնողների շնորհիւ, այլ փչացնում է իւր հետ և ընկերակիցներից շատերին:

Քանիցս անգամ այդպիսի ծնողներ (իբր թէ իրանց պարտականութիւնը լիովին կատարած լինելու համար), դիմել են դպրոցական վարչութեան, պահանջելով որ իրանց երեխայի այս ինչ և այն ինչ պակասութիւնը ուղղեն, կարծես դպրոցը հիմնուած լինի ոչ թէ գիտութիւն տալու համար, այլ զբաղուելու՝ տանը քսան ժամուայ ընթացքում քանդուածը՝ ուսումնարանում հինգ ժամում շինելով և աշխատել երեխայի ուղղելում ոչ թէ մի նոր բան մտցնել, այլ պահել այնպէս՝ ինչպէս նա կար: Այո՛, դպրոցը կարող է կրթել, դաստիարակել և այդ կը յաջողուի նորան այն ժամանակ միայն, երբ ընտանիքը իւր սուրբ կոչման մէջ կը լինի, երբ ծնողը իրանց գաւակների վերա-

ծիւն: Մարմնով պնդակազմ, ուժեղ և չափազանց կոպիտ են: Իրանց յաճախ կուռի դէնքն՝ կացինն ու դականակն է, որի մի հարուածովը մարդուն ցած են զրկում իբրեւ անասունի:

Իրանց կոպիտ վարմունքի պատճառով ոչ մի ցեղի հետ լաւ յարաբերութիւն չունին:

Քրդեր կամ Սոննայիսանլու, որոնք ընկած են Նրասի գետի ափով, Շաւիղից դէպի արեւելք: Սորա պարապում են կենդանապահութեամբ և մասամբ երկրագործութեամբ. իրանք վրանաբնակ են:

Դարազաղի Թրքերի մէջ կրթնալ ցեղը սորա են որոնք տալիս են պարսից կառավարութեան բաւականաչափ հեծելազօրք, որոնք անուանի են Ատրպատականի զօրաց մէջ Դարափափա անունով:

Այս երեք ցեղերն էլ, որոնք բնակւում են հայոց գիւղերի մօտ շատ հաշտ կերպով են վերաբերում դէպի հայերը. երբեմն այնպէս է պատահում, որ մի հայ և մի Թուրք գիւղ միանում են և կրում մի ուրիշ Թուրք գիւղի հետ:

Սորա համար ես օրինակ կը բերեմ այստեղ, իմ

Օղա եղած ժամանակ պատահածը:

Լուսնայի գիշեր էր, լուսնի աղօտ լոյսը իջել էր և լուսաւորում էր Օղա գիւղի հանդէպ ընկած փոքրիկ լիւան լանջերը: Սալ դուր արպիւում էր լուսնին Օղային լոյս տալուց:

Բոլորը դուրս էին եկել տան առջև կտուրների վերայ նստուել. գիւղացին լուսաբացից մինչև ընթրիքը պարապ ժամեր չունի, իսկ ընթրիքից յետոյ այլ եւս վերջացած են համարում օրուայ բոլոր գործերը:

Երկուստարդները հաւարուել էին մի քանի տեղի խմբուել և սկսել էին նուազել ու կրգել: Մի ուրիշ կտուրի վերայ երկուստարդներն էին խմբուել և երկուստարդաց ծայները լսելով՝ իրանք էլ բարակ ծայնով պատասխանում էին նոցա երգերին:

Թուզունները լսելով՝ սորանց իրանք էլ եկել շրջապատել էին Օղայի չորս կողմը և իրանց ծայներն էլ խառնելով առաջինների հետ, որոց ներդաշնակութիւնը, փոխյնում էին յոգնած գիւղացիների բունը:

Երգերի ամենաչորս ժամանակը գիւղացիներից մէկը կոչեց. «ողայք հրացանի ծայն»:

Բոլորը լսեցին: Լուսնին և Թուզունները ու սկսեցին ականջ դնել, իմանալու թէ որտեղից էր հրացանի ծայնը:

Մի երկու րոպէից յետոյ լուսնի կրկնորդ հրացանի ծայնը և նրա յետեւից շարունակաբար մի քանի ծայներ Թուզանի ծորերն:

Գիւղացիներից մի հմուտը հաստատեց, որ հրացանի ծայնը Նորաշէնի և Յիւծի կողմիցն է գալիս: Բոլորը հաստատեցին. որ անպատճառ մի վրտանգ է պատահած նոցա և սկսեցին զենքի դիմել:

Գիւղացիք զննում պատրաստուած էին և ծաւաւարնուելու վերայ էին դէպի այն կողմը, որ հրացանի ծայնը լուսնից հանկարծ դիւղի հանդէպ բլրակի վերայ Թուզան մի հրացան և յետոյ մի մարդու ծայն:

(Ար շարունակուի)

բերմամբ կը նպաստեն նորան և բնա-
նական դաստիարակութիւնն նոյն սաստի-
ճաններով յառաջ կը գնայ, որպէս դրո-
ւոցականը: Մտղք շատ լաւ պէտք է
հասկանան, որ դպրոցը պատասխանա-
տու է մինչև աշակերտը, իւր ոտքը նո-
րա շէմքից դուրս կը գնէ, այնուհետեւ
այդ պատասխանատուութիւնն ամբողջովին
ընկնում է իրանց վերայ: Ինչպէս որ նո-
րանք իրաւունք են համարում՝ շարու-
նակ դպրոցից հաշիւ պահանջելու, իրանց
դաւանների դաստիարակութեան վերա-
բերմամբ, այնպէս և դպրոցը փոխադա-
ձաբար իրաւունք ունի նորանցից հաշիւ
պահանջել իւր սաների ընտանեկան դաս-
տիարակութեան վերաբերմամբ...: Եւ
այն ծնողները, որոնք կանխում են ի-
րանց զաւակները ապագայում բարի, ա-
ռաքին լինին, նորանց դաստիարակու-
թիւնը չը պէտք է միայն ծանրաբեռնեն
դպրոցի վերայ: Ընտանիք և դպրոց, այս
երկուսը համերաշխօրէն ձեռք ձեռքի
տուած միայն կարող են հասարակութեան
տուր ազնիւ անդամներ...:

Տիկին Օ. Ղազարեան

Դավրէժ

ՆԱՄԱԿ ՄԱՐԱԳԱՅԻՅ

26 օգոստոսի 1894

Դավրէժից 18 մղոն հեռավորութեան
վերայ գտնուած է Մարաղան, նշանաւոր
է սաբզի առևտրով, ունի 14,000 տուն
բնակիչ, որից միայն 220 տունը հայեր
են, որոնք պարապում են հիւսնութեամբ
զինեգործութեամբ և օղեվաճառութեամբ:

Տեղւոյս հայերը լուսաւորութեան կող-
մից շատ զուրկ են, չը գիտեն իրանց մայ-
րենի լեզուն խօսել, խօսում են մեծաւ մաս-
ամբ թուրքերէն, ունին իրանց մէջ, ա-
ղաւաղուած մի տեսակ հայերէն լեզու,
որ օտարին անհասկանալի է, բայց և
այնպէս կան ոմանք որ այդ էլ չը գիտեն:

Հագնւում են թուրքի ճաշակով, հայը
թուրքից գանազանելու համար մարդ դը-
ժուարանում է, ունին մի անշուք եկե-
ղեցի և մի քահանայ, ժողովուրդը եկե-
ղեցի գնալ չէ սիրում այլ փողոցում պա-
տերի տակ նստել, բամբասել և ծխել:

Խեղճ քահանան եթէ դավրէժեցի հայ
վաճառականը չը լինի ինչով կապրի:

Ենորհիւ դավրէժեցի հայ վաճառ-
կանների՝ ունին մի ուսումնարան մի դա-
ստարանով և մի ուսուցչով, սովորում են
40-ի մօտ աշակերտներ, ուսուցիչը լինե-
լով տեղացի՝ մեծ ջանք է գործ զնում
ուսումնարանի յառաջագնացութեան մասին

Խօսակցութիւն կայ որ մի ուսումնա-
րան կառուցանեն մի քանի դասարաններով
և մի ընթերցարան, որն ունի մօտ 200
կտոր դրքեր, և ստացւում է մի քանի
հայկական թերթեր, յայտ ունիմ այս բա-
րի ձեռնարկութիւնը չը յետաձգուի, որ-
պէս զի մատաղ սերունդը կը թուելով
խեղճ չը մնան իրանց մեծերի նման:

Ուսումնարանի դրամաւորութիւն է մօտա-
ւորապէս 1000 թուման, որը գտնւում է
յայտնի անձանց մօտ տակսով, թող ըն-
թերցողը չը կարծէ, որ մարաղացու 22-
նորհիւ է այլ դավրէժեցի վաճառականի
արդիւնքն է: Պ. յ. Ս. Խօսակցանքը
և Մ. Ա. ֆիթանգիլեանքը, որ մի քանի
տարիներից իվեր բնակւում են Մարաղա-
յում, ամենայն կողմանէ մեծ պաշտպան
են տեղւոյս հայերին. յիշեալները մտադիր
են հանգստարանի մօտ գնել մի ազգային
այգի, ի հարկէ փողի մեծ մասը ևս խեղճ
վաճառականը պէտք է վճարէ, մարաղա-
ցին երբէք ազգային գործի վերայ մտա-
ծող չէ, միայն պատրաստ են ընկերոջ
տունը քանդելու: Թող մարաղացին չը
մոռանայ վերոյիշեալ պարոնների դէպի
իւրեանց վերայ ունեցած երախտիքը:

Քանի որ վաճառականութիւնը այս-
տեղ մուտք չէր գործել, համարեայ 30
տարի արանից առաջ հայը օտարի ստրուկն
էր, բայց այժմ շնորհիւ դաւրէժեցի հայերի
գրաւած զիրքին՝ ազատ են այդպիսի բռն-
ութիւններից:

Մի քանի օրինակներից տեսանք, որ
մարաղացու գոյութիւնը կախեալ է դավ-
րէժեցի վաճառականներից, բայց ինչ ա-
բաժ որ չեն հասկանում նորանց գործու-
նեութիւնը դէպի իրանց վերաբերմամբ,
հոգ չէ, գործելով պէտք է չը հասկացո-
ղին հասկացնել, կը գայ մի ժամանակ և
կը հասկանան:

Այստեղ առաջնորդական փոխանորդի
պաշտօնը վարողը կաշառակեր մի մարդ
լինելով, ժողովրդին շատ նեղութիւններ
է տալիս և ժողովուրդը կեղեքելու միջոց-
ներ ցոյց տալով, մի խօսքով մարաղացու
կաշին մաշկում է, թող ս. առաջնորդը
այդ մասին հոգայ և դորա պաշտօնը ու-
րիշին յանձնէ, որով վերջ կը տայ ժո-
ղովրդի մէջ ծագած երկպառակութեանց:

Դավրէժեցի

ՆԱՄԱԿՆԵՐ ԽՄԲԱԳՐՈՒԹԵԱՆ

Երրորդ 31 օգոստոսի 94

„Շաւիղի“ 30 թում Ուղեւորի ստորագրութեամբ
կարդում ենք մի գրուած որոյ մէջ, Երրորդայ հայ
հասարակութեան մասին վատ կարծիքներ է յայտ-
նում, ուստի ահապարում եմ պ. Ուղեւորի գրուա-
ծում եղած թերիմացութիւնները պարզել:

Սովորաբար երբ ճանապարհորդները հանում են
այստեղ բնակւում են եկեղեցու բակում, յայտնի է
որ եկեղեցում բնակւում է եւ վիճակաւոր քահանայ.
Քէ արդեօր մտնող եւ կնոջն ինչ տուրք է վճա-
րում քահանային կամ եկեղեցուն, հարցնելու է այդ
նոյն իսկ պ. Ուղեւորից, եկեղեցին մտար եւ դուրս
ելար ինչ վարդիւր այդ ծերունի գանգատուոր քա-
հանային որ այսօր լեզուն երկարացրած խօսում է
Երրորդայ հայ բնակիչների վերայ:

Երրորդայնակ փոքրածիւ հայ հասարակութիւնը
ամենայն ուրախութեամբ յարգում պատում եւ հիւ-
րասիրում է ուղեւորներին, Երրորդայ հայերը մի-
շւէ իսկ մեծ համութեամբ հայթայթում են եւ նո-

րոնց ճանապարհի ծախսը եւ ամեն պիտոյքները.
Կարող է իրեզ Հնդկաստանից լինի կամ Եւրոպա,
զայից: Աստուծոյ պարգեւեալ հիւրը շարունակ ան-
պակաս է այստեղից եւ չը կայ մէկ տարի որ 40—60
ուղեւորներ, հարուստ, միջակ կամ աղքատ, չրմունն
Երրորդ ամէն յարգանք պատիւ եւ անպնդանութիւն
պահուած, նոյնանց համար նամանաւոր աղքատներին
որ ճատակար սրում է նորանց սնունդ եւ հանդանակ-
ւում է նորանց համար գումարներ ճանապարհի
ծախսի համար: Քանի ժամանակ առաջ նոյն ուղե-
ւորի եղբայրն էր որ գալով այստեղ, անոր ու ան-
օգնական եւ մինչև իսկ օրուայ հացի կարօտ: Ով
նորան օգնեց տալով ապրուստ եւ զրահական օգ-
նութիւն, իւր ճանապարհորդութիւնը շարունակե-
լու համար:

Երրորդայ հայերը որ աղքատներին օգնում են
ինչպէս է որ իրանց դժգոհ քահանայի ամսաթուա-
կը չեն կարողանում վճարել:

Մարգար 8. Ամրիտանանց

Դավրէժ 5 սեպտեմբերի 94

Հաւնէք տեղ տալ մեր շաքաճակներին մի ան-
կիւնում երկտող գրութեան, որը վերաբերում է
„Շաւիղի“ 31-երորդ համարի ներքին լուրերում
Դավրէժից հաղորդուած մի սխալ լուրին:

Այդ մասում գրուած էր իբր Քէ „Ընթերցասիրաց“
ընկերութիւնը իւր տուած ներկայացումից օգուտ է
ունեցել 60 թուման, որից 30 թուման տուել է
Ստորոնական բեմին, 6 թուման մուզիկայի եւ 15
թուման այլ եւ այլ ծախքերի իսկ զուտ արդիւնք
մնացել է 9 թուման:

Ինչպէս երեւում է լրատուն բոլորովին անտե-
ղիակ է գործի իսկութեանը: „Ընթերցասիրաց“ ըն-
կերութիւնն ընդամենը արդիւնք է ունեցել 46 թ.
որից 12 թուման տուել է Ստորոնական բեմին, 6
թուման մուզիկայի եւ 13 թուման այլ եւ այլ ծախ-
քերի, զուտ արդիւնք մնացել է 15 թուման:

Ա. Շահբազիանց

ՆԵՐՔԻՆ ԼՈՒՐԵՐ

Անցեալ կիրակի երբ քարոզ էր խօսում
հայր Սահակ Ժ. Վ. Այվատեան, մենք
դարձեալ հանդիսատես եղանք այն եղե-
լութեան օրին, մենք սովոր ենք եւ կար
ժամանակից ի վեր, և որի վերայ „Շա-
ւիղը“ արդէն մի անգամ ուշադրութիւն
էր հրաւիրել: Մեր խօսքը ծծկեր երե-
խաների վայնասունի մասին է, որ մայ-
րերը սովորութիւն ունին առնել իրանց
հետ, եկեղեցու երգասացութեան հետ
նորանց ձայնակից անելու համար: Մենք
չենք հասկանում թէ՛ ինչու քահանանե-
րը այսքան ժամանակ ուշադրութիւն չեն
արել, և չեն ունում եկեղեցու բարեկար-
գութեան այդ առաջին պայմանին: Տօն
օրերը, մանաւանդ, վայնասունը հասնում
է իւր գագաթնակէտին: Յոյս ունինք որ
հայր Այվատեանի նկատողութիւնը ա-
ռանց արդիւնքի չի անցկենալ, եթէ քա-
հանաները կը շարունակեն ուշադրու-
թիւն դարձնել այդ հանգամանքի վերայ:

Շատ ջանքեր են լինում հայր Այվա-
տեանի կողմից թէ՛ հրանում գոյութիւն
ունեցող երկու կուսակցութիւնները միա-

յնելու: Մենք յաջողութիւն ենք մաղթում. բայց ցորչափ վիճաբանութեան առարկան կը լինին ոչ թէ սկզբունքներ այլ անձնաւորութիւններ, միութեան գործն անկարելի կը լինի:

Ուրախութեամբ ծանուցանում ենք որ միջոցաւ Ճէվատ խան Մօստէշար-էդ-Գոլ լէի փոխարէն Ատրպատականի արտաքին գործոց նախարարութեան պաշտօնեայ է նշանակուած վսեմ. Մօհամէտ Իբրահիմ խան Մօսվէն-էդ-Գոլլէն: Այս անձնաւորութիւնը ընդհանրապէս վայելում է ուղիղ և անաչառ մարդու համբաւ, և նորա անուանումը մի նոր գրաւական է կայսերական կառավարութեան հոգածութեան դէպի իւր քրիստոնէայ հպատակները: Մօսվէն-էդ-Գոլլէն Շահի մասնաւոր սենեկապետներից է, և վարել է զանազան վարչական պաշտօններ, իմիջիայլոց եղած է վաճառականական ատեանի նախագահ: Նա որդին է եւրոպական համբաւ վայելող հանգուցեայ Ֆէրրուխ խան Ամին-էդ-Գոլլէի, որ հաստատել է պարսից կառավարութեան և եւրոպական մի քանի երկիրների մէջ առաջին յարաբերութիւնները և կապուած է այժմ գոյութիւն ունեցող միջազգային դաշինքները:

Դավրէժից մեզ գրում են, վերջապէս վերջացաւ Արամեան ուսումնարանների տեսչի խնդիրը՝ որով Արամեան ուսումնարանների հոգաբարձութիւնը և ուսումնարարը շատ երկար ժամանակ էր որ դրադուած էին, վարձեցին պ. Գեորգ Չիլինգիրեանին վերջապէս Հայրիկի յանձնարարութեամբ: Դեռ ուսումը չը սկսած ինտրիգաները արդէն սկսուել են Արամեան ուսումնարանների ուսուցիչների մէջ, Աստուած վերջը բոլորի տէ:

Նոյն տեղից մեզ գրում են, որ Փողի վիճակախաղի փխտը՝ քանի գնում է, ասարժուած է մեզ մօտ: Այս օրերս Բերդաթաղի կենդրոնական գրադարանն էլ սկսել է ծախել վճիակախաղի տոմսակներ, բոլորովին նման Լիւսաւայի վիճակախաղի տոմսակներին, որի վերայ ստորագրել են գրադարանի տեսուչ պ. պ. Ա. Ալէքսանեանցը և Մարգար Միքայէլեանցը:

Նոյն տեղից մեզ գրում են, այս օրերս ս. առաջնորդը Հաթիթուանի կանանցից ստացաւ մի սրտաճմլիկ հեռագիր, որով բողոքում են այնտեղի սրիկաների ձեռքից, իբր թէ նորանք ընկել են շատ պատուաւոր կանանց յետևից բռնաբարելու նպատակով, սրբազան առաջնորդը գիմել է ուր որ հարկն է:

Ռաշտից մեզ գրում են, անցեալ շաբաթ Ռուսիայի փոստը բերող փոստային Ալէքսանդր III. շոգենաւր Էնդէլի մօտենալիս սարսափելի ալեկոծութեան հանդիպելով կրկին վերադառնում է Բագու իւր հետ ասնելով թէ փոստը և թէ միջին մարդիկը, այդ է պատճառը, որ անցեալ շաբաթ Ռուսաստանի փոստը չըստացուեց:

ԱՐՏԱՔԻՆ ՏԵՍՈՒԹԻՒՆ

ԱՐՏԱՔԻՆ ԼՈՒՐԵՐ

—Առէն 28 օգոստոս. Ֆրանսացի պաշտօնեաները պահել են մի խումբ մարտանաւ որ Ատէնից անցնելով գնում էր Ժապօնիս:

—Լոնդոն 28 օգոստոս. այնպէս է կարծւում և հուսաւորւում են որ արևելեան երկու պետութիւնների (Չին և Ժապօն) միջև եղած սրտեղծութիւնը այնքան շուտով չի վերջանալ, որովհետև հեռու հեռու կողմի պաշտօնաւորութիւնն էլ չափազանցութեան է հասնում, մանաւանդ ժապօնացւոյց մէջ յուզումը շատ է, որոնք ցանկանում են իրանց զօրքերը Պէկին դուրս հանել: «Տայմզ» լրագիրը հրատարակել է իւր Շանխայում ունեցած թղթակցի մի հեռագիրը, որ չինական զօրքը Կորէայի տեղական 5000 զօրքի օգնականութեամբ ժողովական զօրքին ջարդ են տուել և Կայ-Խունի (40 անգ. միլ Սըուլի հիւսիսային կողմը) բնակիչներին մեծ վնասներ են հասցրել: Չինական զօրքը յառաջ է խաղում:

—Գահիրէ 29 օգոստոս. յայտնուել է որ փաշաներից ոմանք աղախնութեան անունով դարձեալ խափշուհներ են գնում, այդ պատճառով մի քանի նաւեր բռնուել են որոնց մէջ եղած փաշաներից երկուսը ձերբակալուել են և մէկը փախել, այդ մասին Գահիրէում մեծ յուզում է տիրում:

—Լոնդոն 1 սեպտեմբեր. տաճիկ կառավարութիւնն իտալական զօրքի Բէսաւան տիրելու համար լուրջ կերպով բողոքել է: Փարիզի կոմսը սաստիկ հեռանդ և մահամբձ է:

—Փարիզ 1 սեպտ. Թօնքինում խռովութիւններ են ծագել, այնտեղի կառավարչապետը տեղեկագրել է Փէկինի Ֆրանսական լիազօր դեսպանին:

—Լոնդոն 2 սեպտ. Հօլանդայի գաղութականութեանց պահեստի զօրքը այս ամսի 8-ին և 20-ին մեկնելու է արևելեան Հնդկաստանում Հօլանդային պատկանող հողերը:

—Թին-Ցին 3 սեպտ. չինաց կայսրը մի հրովարտակ է հանել, որով օգոստ. 20-ին Փիրի-Գանկում չինաց զօրքի տարած լաղթութեան մասին, իւր ուրախացութիւն է յայտնում, միևնույն ժամանակ և հրամայում է, զօրավար Եհին և եօթ հարիւր սպաներին որ մասնակցել են ուղ պատերազմում վարձատրութիւններ լինի: Լուր է տարածուել իբր թէ զօրավար Եհն տեղեկագրել է որ այդ պատերազմում ժապօնացիք կորցրել են 7000 հոգի մինչդեռ չինացիք հազիւ թէ միք անի հոգի կորցրած լինին:

—Լոնդոն 3 սեպտ. «Տայմզ» Չամուլիւից մի հեռագրաւոր է հրատարակել որը յայտնում է թէ ժապօնական զօրքը Սըուլ քաղաքին և նորա շրջակայքին տիրել է:

—Նիւ-Եօրք 3 սեպտ. քաղաքի շրջակայքում մի մեծ անտառ է հրդեհուել, այդ հրդեհից ոչնչացել են 5000 հոգի, և շատոնք էլ ապստամբել ճահիճներում և թէ թափուելով զետեղ խեղդամահ են եղել:

—Գահիրէ 3 սեպտ. Շաւարբի փաշան որ սեւերը ծառայութեան անունով գնել և փախուտ էր տուել իւր կամքով անձնատուր է եղել և խոստովանուել է որ նորանց միմիայն իւր հարեմի ծառայութեանց համար էր գնել: Շաւարբի փաշան, միւս երկու փաշաները և վեց հոգի գերեվաճառներ վաղը զինւորական գաւառատանում պատժի են ենթարկուելու:

—Լոնդոն 4 սեպտ. ռուսական մի խումբ մարտանաւերի հրամայուել է գրնալ Կորէա:

—Պէտերբուրգ 4 սեպտ. այնպէս է տուում թէ Կորէայի ջրերը գնացող նաւերի պաշտօնէ հսկել Ռուսիոյ հպատակների և վաճառականութեան շահերի վրայ:

—Բէրլին 4 սեպտ. Գերմանիոյ կայսրը այսօր գնացել է Բէօնիկգրէրի նախկին կայսեր արձանը բանալու, որտեղ մեծ պատուով և ուրախութեամբ է ընդունուել: Կայսրը իւր վերադարձին մի ատեն նարանութիւն է արել նախկին կայսեր իւր հայրենիքին արած ծառայութեանց մասին և ձեռքով ցոյց տալով արձանների քաշած սրերը, ասել է առ. այժմ թող սուրը այս արձանների զարդը լինի:

—Թէնջէ 4 սեպտ. Մարօքօից հաղորդում են որ այնտեղ մի նոր սաստիկ խռովութիւն է տեղի ունեցել և ամեն բոլոր խռովութեան հուրը աւելի բորբոքւում է: Ղաթայէլ Մարօք քաղաքը պաշարել է որը կատարեալ ամրութիւններ չունի: Ղաթայէլ շրջակայ քաղաքները ասպատակում և յափշտակում է:

—Լոնդոն 8 սեպտեմբեր. Փարիզի կոմսը մեռաւ:

—Շանխայ 9 սեպտ. գրում են որ ծովակալ Սինկը, հիւսիսային Չինաստանի նաւերի հրամանատարը պաշտօնանկ է եղել իւր մի քանի ստոր արարքների համար: Փէքին քաղաքի կողմերում սաստիկ հեղեղներ են եղել:

—Վիեննա 9 սեպտ. Կալիցիայում խռովեալ է յայտնուել և մեծ թուով մարդիկ ամեն օր այդ հիւսիսային շրջանի գնում:

Արտօնատէր—Հրատարակիչ
ԱՆԴՐԷԱՍ ԲԵԿՆԱԶԱՐԵԱՆՑ

ՅԱՅՏԱՐԱՐՈՒԹԻՒՆՆԵՐ

«Հայ լրագրութեան հարիւրամիսյ» պատկերները հասած լինելով խնդրում է բաժանորդներից որ ներկայացնեն իրանց ստացականները եւ ստանան իւրապէս գրութիւնից իրանց պատկերները: